

**AD ILLUSTRISS.MOS
ET
REUERENDISS.MOS
PRINCIPES. ET
DOMINOS ATQUE...**

Manoel Constantino



²
ILLVSTRISSIMIS
ET REVERENDISSIMIS
PRINCIPIBVS S. R. E.
CARDINALIBVS.

Doctor Emanuel Constantinus Sacri Collegij
Clericus. S. P. D.



M multa sint res; qua virum optimum facile probare possint, tum nulla illustrior praestantiorq. quam grata beneficiorum memoria; quamuis in me maxima sit, eo hactenus fuit obscurata; cum nulla occasio sese mihi obtulerit, significanda mea erga D.V. Illustrissimas vobis. Nam quantum illis debeam; sic omnibus notum est, ut id ipsum dissimulare non possim. Optarem equidem; ut in me tanta dicendi, vis atque facultas esset. Et tantum temporis ad scribendum dari, ut in tot tantisq. laudibus accurate per censendis, copiose exornandis, artificiose exagerandis; ostentare me possem. Ut enim pictor; cui in exigua tabella ingens aliqua hominum multitudo exprimenda est, non nullorum vultus tantum atque ora multorum summa modo capita ostendit; totum reliquum corpus abscondit, ita me cum D.V. Illustrissimarum innumerabiles laudes in hac breui Epistola concludere vellem, significare, & delibare potius quam ostendere necesse fuit. Accipiant ergo hoc nostra tenuitatis munusculum, quod si gratum fuisse cognouero ad alia elucubrandam me quam diligentissime accingam. Valete. Roma pridie Kalendas Martij

3

AD BEATISSIMAM VIRGINEM MARIAM DEI MATREM.

Qua Religiosissime colitur in Aede Lauretana.



ANCTA parens & nata tui (res
mira) parentis.

Quodq. magis mirum est: Fi-
lia, sponsa, parens.

Vt teneri pro matre gemunt in
ouilibus agni;

Dum sæuus caulas sæuit odore lupus.

Sic tua supplicibus expandas brachia votis;

Optatamque feras Virgo rogamus opem.

Aspice, quam crebris nos ictibus imperit hostis;

Aspice, sidereus quam procul orbis abest.

Ad te confugimus, veræque salutis egeni;

Viræ expectamus deficientis opem.

Dirige deuoti gressus ad sidera serui,

Et pia? vis igitur mater es? ergo potes?

Ad eandem Beatissimam Virginem Mariam.

Alma parēs hominū superas Regina per auras,
Quæ geris ardenti Sceptra corusca manu.

Cuius ad os oculosque domus stupet alta Tonātis,

Et ferit auratas aurea turbas liras.

A 2 Cuius

Cuius ad excelsos Phæbi rota fulgida vultus;
 Amittit radios lumine victa suos.
 O decus o Summi nitidissima ianua Cæli,
 Ianua quæ facilem pandis ad astra viam.
 Oiubar o præsens æternæ gloria gentis,
 O spes humanis vna relicta malis.
 Si pia; te lachrimæ tangunt gemistusque dolentū;
 Si nomen veræ sola parentis habes.
 Respice luminibus cælo pietatis ab alto
 O Genitrix, nati vulnera sæua tui.
 Respice me trans fixa graui tuâ viscera telo:
 Respice iactatas ore madente preces.
 Quot premis incedens altis super ætheris arcēs
 Sidera per geminos conspicienda Polos.
 Tot mea sunt in te, & rerum commissa parentem
 Crimina, quæ trepidans re meminisse pauet.
 Et ni summa foret Summi patientia Regis;
 Qui placido tantum sustinet ore nefas.
 Iam me terra sinu patefacta vorasset aperro,
 Et premerent imis stagna profunda vadis.
 Nempe cupis Virgo tuis succurrere natis,
 Et tibi nil summa qui sedet arce negat.
 Quod pia me vertam? Si tu mihi lumina vertis?
 Quæm moueat; si te non mea plaga mouet.
 Si quis erit qui Virgo tuam confugat ad aram,
 Hic subito sæuo tuus ab hoste fuit.
 Nunc igitur vultus lachrimarum fonte madentes.

Et singultantes commiserare sonos.
 Accēleſa pia mater, abit mens, vita recedit,
 Si tua ferre citam dextra moratur opem
 Si vacat hospitio lachrimanti ſidera vultus
 Ad dominumque velis pauca referre meum.
 Lingua tremens hæret medio contracta palato;
 Ora verecundo tincta rubore cadunt.
 Rogo per immenſi crudelia vulnera nati;
 Qui me nox erēbi ne voret ima tulit.
 Per latus infando traiecta que viſcera ferro
 Ante (nefas) oculos quæ patuere tuos.
 Ne pia ne lachrimis oculos auerte benignos,
 Neue tuam lapſo protrahe ſancta manum.
 Non Electenda tibi Solimæ ſunt viſcera gentis;
 Non tibi ſunt duris corda mouenda feris.
 Sed quem ſacrato conceptum ventre tulifti,
 Quique tuo iacuit Sarcina grata ſinu.
 Hunc mihi concilia quando potes omnia mater,
 Hoc amor hoc pietas te tua magna rogat.

Ad eamdem Beatiffimam Virginem.



STRORVM decus, & ſuperi
 laus inclita Regni;
 Et veteres toties quam cecinere
 tubæ.
 Aduerſum ſtygium tua dextera mi
 litat hoſtem

6
Nec vacat officio segnis inersque pio.
Te vocat ad Medum tendens mercator Hydasperm,
Seu crebro tortas vortice tranat aquas.
Et qui letali traiectus pectora ferro,
Hostilem moriens corpore plangit humum.
Et qui complexu laceratæ membra carinæ
Lassa procellosis corpora iactat aquis.
Quique sedet duris religatus crura cathenis,
Ipse tuam cæco carcere poscit opem.
Audis, & è celso requiem concedis olimpo,
Quamlibet æratas non timet ille fores.
Singula quid referam? per te mitescere chiestum
Cernimus, offensi cum tonat ira Dei.
Sæpe tuis precibus genitor sua tela reponit,
Fulmina cum celsa torquet ab arce poli.
Ergo cum toties sese tibi debeat orbis;
Cum celebrent nomen foemina virque tuum;
Sancta precor miserere animum, & solare dolentē,
Et solitam duris casibus affer opem.
Eripe me ventis, & habenti nubila ponto;
Insidum raucis nam mare feruet aquis.
Quassatamque ratem pelagi indignantibus vndis,
Fac precor in portus aura secunda ferat.

7
Ad Christum natum.



S I Rex es cæli? tua sunt vbi Regia sce-
ptra?

Si bonus es pastor? dic vbi agreste
pedum?

Si Dux es terræ? tua sunt vbi bellica signa?

Si Deus es? rutilum dic vbi fulmen habes?

Sic ego sic tacitus visus mihi dicere Christus:

Sceptra, pedum, signū, fulmen, obumbrat amor.

Ad eundem.



Q U I D non tentat amor radiantibus
aureus alis;

Quo ruit ætherea tractus ab arce
Deus.

Facta merent nostri primi genitoris Adami;

Nascitur omnipotens vt mea damna luat.

Nascitur, vt possint illo nascente renasci;

Quæ vitijs penitus corda sepulta iacent:

Ad Pastores.



P A S T O R E S; quæ causa moræ? prope-
rate vicissim;

Visite iam natum rustica turba Deum.

Ferte agnos hædos, & pressi munera
lactis,

Et

Et pro purpureis Lilia ferte rosis.
 Cur puero placeant pastorea munera tantum
 Quæritis? iste puer pastor ubique fuit.

*Amor seruens peccatoris ad Christum
 in Præsepio.*



T sedet arborea Cignus sub fron-
 de Canorus;
 Mille sonans querulo dulciter o-
 re modos:
 Vt gemit herboso tristis philomela
 sub antro; CIV

Saucia cum luctus promit amore suos.
 Tollit ut ad ripas cantus vocalis Aëon,
 Cum Fluius strepitus addit & ipse suos:
 Sic ego te lachrimis exul bone Christe requiro;
 Quis mihi det votis accubuisse meis.
 Donec in exilio patria Semotus ab illa
 Vixero, erunt lachrimæ potus & esca mei.
 Nullaque cessabit tristes lira promere questus;
 Suspirare quies plangere cæmen erit.
 Dum cœlum intueor sursum dum lumina verto,
 Atque tuo supero egor amore frui.
 Lachrimor; & tristi singultu viscera pressans;
 Suspirans quies. ~~plangere cæmen erit.~~
 Quando erit illas dies cum te mea vita videre

Diter

9

Diter; & hoc semper spes mea posse frui.
Totus vt igne tuo tete liquefactus amarem;
Vt iam vita mihi non nisi amara foret;
Ad te confugio rerum dulcissime Iesu;
Quando dabis seruo gaudia vera tuo.
O amor immensus pietas mirabilis omni
Tempore, Rex serui seruus amore sui est.
Eripe captiuum, Rex vincula cæceris huius
Rumpe; quid immensas protrahis vsq. moras:

Ad Christum natum in Praesepio.



VALE breues clamant te Qi de cul
mine pulli,
Vt vaga det solus mater hirundo ci-
bos.
Tale ego de fragili clamabo cacumine mundis
Vt diuina meus viscera tangar amor.
Seu gemitus alta meditatur ab arbore mæstos
Voce vocans comitem blanda columba thori;
Non secus ex imo deductos pectore questus
Ad patrios mittam nuntia fida sinus.
Spectando vigiles tenuarunt æthera visus,
Lumina suspectu sunt mihi fessa suo.
O Deus hanc animam, misera ne morte fatiscat,
Exue iam Summis te precor alme malis.
Supplicij parcus veniæ largissimus idem;

Post

Post tua terga scelus reijcis omne meum;
 Quippe tibi nullos ater canet orcus honores;
 Nec laudes vnquam mors canet atra tuas.
 Nec fidei promissa tuæ, felicia Regna,
 Expectat stygijs obruta turba vadis.
 Mira tibi semper fundant præconia viuis
 Qualia nos totum fundimus ore diem.
 Me Deus incolumem letalibus exime morbis,
 Fac teneam stabilis dulce salutis iter.
 Sic tua magnificis resonabit gloria templis;
 Sic dabimus cunctos Carmina festa dies.

Ad Beatissimam Virginem Luciam.

IDEA vt auricomi radijs Titania
 phæbi
 Splendescunt: Phæbiq. foror, quæ
 cornua cælo
 Nunc formosa gerit; plenum nunc
 induit orbem,
 Nunc obscura latet, manesq. Acheronte silentes,
 Æthereos terret coniux Plutonia vultus.

Sic tua lux oculos pulcherrima Lucia nostros
 Irradiat; tenebrasque e corpore discutit ægro,
 Darque videre iubar, sine quo non ætheris arces;
 Non cælo subiecta videt. Sed quo feror? aut quis
 Audeat igniuomum tecum componere Solem?

Ille

Ille licet pelago surgens rubicundus Eo
 Cæruleum roseo perfundat nectare cælum.
 Obuius ante tuos celabit lumina vultus
 Inque coloratum retrahet mare pallidus ignes.
 Lucifer obscuræ regitur caligine nubis,
 Et nigra sub nocte latet, lunaque propinqua
 Deficit, & totum patitur tenebrescere cælum.

At tua lux quâquâ tellus, mare, nubila, & æther,
 Stent aduersa manet; nulloque abscondita sæclo
 Deficiet; dum sæclâ polis voluentibus ibunt.

Lucifer effundit; cæli licet arduus alti
 Regna colat; mortale iubar, quod corpore toto
 Ius habet in fragili; tua lux diuinior illo est:
 Et quæ corporibus cum sit medicina caducis,
 Est animis etiam rebus solamen in arctis.

Lucifer exurit terras velut ignis & vrens
 Omnia consumit; tua lux velut ignis adurit
 Pectora. sed tali, quæ flagrant pectora flamma
 Nobiliora manent, superæq. similima genti.

Lucifer illustrat mortalia lumina & illo
 Quidquid habet mundi moles immensa videmus
 Si tamen ægrotent oculi, grauis incubat umbra:
 Quamquam Hiperionæ distent oriente quadrigæ;
 Et Tharthesiaca spatijs æqualibus vnda.

At tua lux nescit umquam nocuisse videnti.
 Si tamen illa potest mortali e sede videri,
 Nam si Phæbeæ similis foret, inque minorem

Irrueret Sol ipse; & sidera cuncta manerent
Squallida; fulgentes atra ferrugine vultus.

Lucifer immensi dum circuit ætheris arces
Dat iubar; utque vices velocia tempora seruant;
Itque reditque viam toties; oriturque caditque;
Et peragit lento duodena animalia gressu.

At tua lux immota manet; cæloque supremo
Fulget, ubi è nostris cuncta laboribus æuum
Transigis, æternum volucrum Titana mouere
Sub pedibus curamque videns lathoida fratris,
Astraque præcipites agitare micantia currus.

Ergo oculos huc flecte tuos, oculosq; tuorum
Sancta potens recrea, fragiles & lucis egentes.
Luminibusq; animæ radios immitte coruscis;
Ut cælum penetrare queant, atque altius arcem
Intendisse acrem, teque in splendore sedentem,
Inter cælicolas maiestatemque Tonantis
Cernere diuino, cuius tu Lucia & orbis
Lucifer; haussisti radiosam e lumine lucem.



FINIS.

ROMÆ, Apud Aloysium Zannettum.

M D XCVII.